

佛祖統紀

十五
十一卷

風陵文庫

文庫19

F 229

6



諸師列傳第一

佛祖統紀十一

天竺式法師法嗣

撰

法喜清鑑法師

明智祖韶法師

保慶法潤法師

真淨思永懺主

天竺思悟侍者

丞相王欽若

諫議大夫胡則

職方郎中崔育才

侍郎馬亮

妙果天授法師嗣昌

海月慧辯法師嗣明智

淨慧思義法師

辯才元淨法師

山門禪定
蘭若藏本

F0229-(6)

神智載昇法師

廣惠居白法師

世四 法寶從雅法師 嗣海月 二人

慈行智深法師

圓應德賢法師 嗣淨慧 五人

獲神智仲元法師

慈覺永堪法師

寂照慧日法師

圓悟思尚法師

法鑑若愚法師 嗣慧才 二人

靈山則章法師

天竺本瑞法師

世五 指源如杲法師 嗣法 寶

慈明慧觀法師 嗣神 智

慈受子琳法師 嗣慈 覺

興國基法師 法嗣

世二 興國令祥法師 世四即東福源悟持法師

錢唐曉法師 法嗣

世二 法顯遇成法師

世三 兜率守仁法師

四明法智之作興也。天下學士靡然向風。嗣其業而大其家者。則廣智神照南屏三家為有傳明佛意。示家法用廣垂裕無窮之謀。中興教觀逮今為有賴。此諸師列傳之所由作也。若夫慈雲一家昌韶諸師之後。五世而茂聞。今備列敘傳而先慈雲之派者。將以順其承襲而不使紊雜乎四明三家之子孫也。

天竺式法師 法嗣

法師文昌永嘉人。久依慈雲克盡其道。時衆推為前列。復往南湖見法智所詣益遠。既而旋鄉為妙果第

一世妙宗新成寄寫本囑其講授且戒之曰或有異處可密取附來慈雲門弟授講者二十餘人師為之首見慈雲行業記四明與矩師書上

法師祖韶天台劉氏賜號明智十九通法華得度入東掖參慈雲得其奧旨既而侍師遷靈山居第一座慈雲將居草堂謂師曰汝當往代本如若能仁而俾之來繼此山師即著草屨欣然而行至江濱呼其回曰吾試汝耳汝當竟住此山師既奉命一遵成規誦訓之外行四三昧為常課棟宇未具力為經理一日告衆曰吾受慈雲之寄今老矣亦將有東嶺之事慧辯為吾上首其善繼我乎遂入草堂以自晏晦未幾

示疾跌坐而逝年七十二臘五十二師昔於東掖行光明三昧百晝夜至期方半忽見旌幢滿前導者呼曰大辯尊天師即作揖天曰師所住處傳通大乘利益群品言訖而隱常往京師道出淮泗夢僧摩頂曰吾文殊和上也示汝五無生義既覺五藏豁然如咀氷雪又夢入古寺見僧踞坐謂曰吾為汝說第一義諦聞畢如甘露灌頂即見依正皆如雲影有人問曰人見和上何因歡喜曰視入常若佛想法師清鑑雲間人賜號禪慧為慈雲撰熾盛光念誦儀序其略云慈雲尊者以行光教門弟子清鑑以所稟四種三昧行法遺編獨熾盛光未廣流布遂因其

舊五章補助始末加示法釋疑之二以爲七科明今東

天王有

懺主思求號真淨入道于秀之勝果又親慈雲勤修淨行時衆高之謂足上擬其師亦稱懺主

侍者思悟錢唐人侍慈雲講最久故能深達觀道善持咒法加水以愈人疾求者如市常課誦時身及奉像俱出舍利天聖三年慈雲欲以智者教卷求入藏文穆王公將聞之朝悟曰此非常事也小子將助之矣乃繪千手大悲像課咒以誓曰事果遂當焚軀爲報會公薨悟誦咒益精明年得旨師喜甚積薪爲樓白慈雲求火種雲於鑪中舉紅炭與之手引以承了

無難色即入薪樓火息之後袈裟覆體儼如其生慈雲乃加香水行咒願以焚之隨燄而化五色舍利無論其數三歲之後求者尚獲慈雲爲讚以刻石曰悟也吾徒荷法捐軀其燄赫赫其樂愉愉逮火將滅儼如加趺逮骨後碎粲如圓珠信古應有今也則無芳年三十眞哉丈夫

明智韶法師法嗣

法師慧辯字訥翁華亭傅氏號海月受業普照初遊學天竺至合澗有老人冠帶逾梁迎揖入門而失明智一見大奇之即盡心學教觀明智將老命居第一座以代誦一夕夢章安以金篦擊其口曰汝勤誨人

當得辯慧，嘗苦脾疾，夢天神以金漿盛水，使之瞑目，引其腸，浣之。後八年，明智禪繼主席，翰林沈遘治杭，任威見者多，惶懼失據，師從容如平生，遘異之，任以都僧正。獯子瞻時為通守，為序以贈之，曰：錢唐佛僧之盛，蓋甲天下，道德材智之士，與妄庸巧偽之人，雜處其間，號為難齊。故僧正副之外，別補都僧正一員，薄書案牒，奔走將迎之勞，專責副正以下，而都師總領要略，實以行解表衆而已。師既蒞職，凡管內寺院虛席者，即消日會，諸刹及座下英俊，開問義科場，設棘圍糊名，考校十問，五中者為中選，不及三者為降等。然後隨院等差，以次補名。由是諸山仰之，咸以為

則講授二十五年，學者常及千人。夜有盜入其室，脫衣與之，令從支徑去。晚年倦，酬酢以六事，隨身歸隱草堂。衣鉢坐具紙被。吳越大旱，禱天竺觀音像，又不應。師時以疾，晝寢，夢老人白衣烏帽，告曰：明日午中必雨。如期果驗。遠近感師，誠致熙寧六年七月十七日，且起盥濯，告衆就別，合掌加趺而化。初，師遺言：須東坡至，方闔龕。四日，坡至，見跌坐如生，其頂尚濕，坡盡敬而退。

東坡集云：師沒後二十一年，余謫惠州，師之弟思義囑參寥求作讚，因序之曰：余在杭，夢至西湖，有大殿榜曰彌勒下生，故人海月辯才之流，皆行道

於其間乃作三絕以吊之云欲尋遺迹強沾裳本
自無生可得亡今夜生公講堂月滿庭依舊冷如
霜其一其後參寥往潁水謁子由曰辯才既以子瞻
故得銘於公海月獨未有銘乎子由亦為銘其塔
法師思義字和甫湖之武康凌氏試法華中第一得
度依明智學隨聞隨悟常開幃出十難師答之悉契
旨明智退居草堂衆送入室既散師猶侍右智曰汝
適何見答曰見大衆拜而退智曰吾示汝將來義當
住此山紹隆大教後後亦來居此室也師歷修四三
昧行忽頸上生一肉癭夜夢功德夫食之以挑其疾
即消熙寧四年賜紫服號淨慧丞相蘓頌師枕請居

天竺大報法道住山二十三年退間草堂皆如明智
之記元祐三年二月十八日中夜趺坐別衆而逝大
衆誦念久之忽復語云侍觀音大士行見一沙門金
色長身垂臂謂我曰報緣未盡過七日當遣迎至二
十五日復趺坐而化瘞龕之日有赤雲垂布如引導
之狀向西而隱
法師元淨字無象徐氏杭州於潛人客有過其舍者
曰嘉氣上騰當生奇男既生左肩肉起如袈裟條八
十一日乃沒伯祖異之曰宿世沙門必使事佛八十
一者殆其筭歟及師之終果符其數十歲出家每見
講座輒曰吾願登此說法度人十八就學於慈雲不

數年而齒高第後聞明智講止觀方便五緣曰淨名所謂以一食施一切供養諸佛及諸賢聖然後可食此一方便也師悟曰今乃知色香味觸本具第一義諦因泣下如雨自是遇物無非法界代誦十五年杭守呂臻請住大悲閣嚴設戒律其徒畏愛臻為請錫紫衣辯才之號七年翰林沈遘撫杭嘉祐謂上竺本觀音道場以音聲為佛事者非禪那居乃請師居之鑿山增室廣聚學徒教苑之盛冠於二浙神宗熙寧三年杭守祖無擇坐獄于攜李攜音醉地名今秀州師以鑄鐘例被追辨幸而得釋寓止具如蘭若擬金錁設問答迷圓事理說發明祖意之妙元豐元年有利山門施

資之厚者倚權以奪之眾亦隨散逾年其人以敗聞朝廷復昇師衆復大集清獻趙公與師為世外友為之贊曰師去天竺山空鬼哭天竺師歸道場重輝東謝去居南山之龍井士庶爭為築室遂成藍宇六年太守鄧伯溫請居南屏越明年復歸龍井時靈山虛席師以慈雲師祖道場俯就眾請及月餘於禪定中見金甲神跪前曰法師於此舊無緣不宜久住既奉冥告遂還龍井元祐四年獮軾治杭嘗問師曰北山如師道行者幾人師曰沙門多密行非可盡識杭子迨生四歲不能行請師落髮摩頂數日即善步披詩云師

來為摩頂起走趨奔鹿將示寂乃入方圓菴秦觀記宴坐謝賓客止言語飲食招參寥告之曰道參吾淨業將成若七日無障吾願遂矣至七日出褐告眾即右脇吉祥卧奄然順寂時元祐六年九月晦日也塔成弟子懷楚詣汝陰請誌于東坡坡命子由為之銘師誦說不間晝夜嘗曰鬼神威德不具者晝不得至夜中人靜庶幾能聽焚指供佛左三右二有欲效之者師止之曰如我乃可修西方淨業未嘗須臾廢或禱大士求放光光即隨現沙門熙仲對食視師眉間有光遽起攬之得舍利數粒後人常於卧處得之嘉興令陶彖有子得魅疾祝之即愈諸暨陳氏又患心疾漫不知

入警以微言醒然而悟布衣李生久習禪觀辯而無行欲從師出家東坡為之請未言其名力拒不許若先知然秀州狂僧號回頭以左道惑眾宣言欲建大塔為吳人植福施者雲委以師不可欺憚於入杭先遣使願以錢十萬供僧師答曰承以建塔淨財欲飯僧教有明文不許互用狂人大慚而止坡公遺桑文略云我初適鏡菴曰道大德尊智高辯富作大法主為世所宗而於出處飲啄之緣猶未得其自在住上竺幾二十年居靈山僅及一月然則結緣之論雖大賢有所未免

執尚見五公講有辯臻禪有連嵩後二

十年獨餘此翁今又去矣後生誰宗

法師載昇會稽人號神智久參明智時輩推其善說
先是錢武肅王帥杭日嘗患目眚夜夢素衣仙人言
自永嘉來明且有求嘉僧投牒願以觀音像獻言得
之海湖諸山迎之不能舉既而示夢欲歸越城武肅
即具威儀迎至一見像已自即還明乃創菴名興福
以奉之像坐高六尺梵相奇偉燈夜仰望猶若生人
元祐間師來居興福時清獻公為師亢旱大疫久禱
不應遂罷遣群祀請師迎像入府懇禱一夕甘雨如
注疫亦以息公為奏于朝賜師神智菴名圓通
海月辯法師法嗣
法師從雅錢唐人賜號法寶始從海月學通止觀乃

自謂曰言清行濁賢聖所訶遂入南山天王院誦法
華至五藏言藏者且以五金剛般若四藏彌陀經十
藏禮舍利塔十徧言徧者以八萬禮釋迦三十萬拜
彌陀百萬拜佛號五千萬聲禮法華一字三拜者三
過心期淨土一生坐不肯西憲使無為揚傑為製安
樂國讚三十章以美之其一云淨土周沙界何勞獨
指西但能從一入處處是菩提師欲廣化世俗遂於
受業淨住寺圖九品三輩刻其讚于石觀者皆知感
化一日無病趺坐而亡有天樂鳴空異香入室之瑞
法師智深賢號慈行嘉禾沈氏初依海月學教觀既
成歸受業崇福西寺開長堂雲水供建光明期懺會

二十年如一日。專念淨土。勸人稱佛號。從化者不知
數。政和乙未六月半亡。留龕七日。色不變。茶毗之日
異香襲人。人收舍利。與骨俱盡。

淨慧義法師法嗣

法師德賢。臨安人。賜號圓應。為兒時。相者曰。他日當
有官。唯出家可免。父信之。令往依叔父海月。月亦
之曰。我翁孫相繼。家業始成。汝欲來此。作主人。邪。師
遂去。暨落髮。復往天竺。參淨慧大明。教觀之道。久之
遂居第一座。有俗士謁淨慧言。室女為祟。所燒。下啼
求哭。願師慈救。慧曰。我首座可以治此。士往扣之。師
乃令女所居閣上。設一榻。既至。即就榻睡。少時。竟去。

女白。父曰。適蒙法師開悟於我。今求去矣。自是神識
安定。淨慧間居草堂。師繼其席。果符海月主人之記。
居五年。無疾而終。語門人曰。吾生前以道力。免難。死
後恐不能逃。門人造像入祖堂。乃用鐵護其項。建炎
中。金虜真珠王子。領兵犯浙。入天竺。升祖殿。衆像皆
避席。而揖。獨師像不為動。王怒。令斬之。以頸有鐵。不
可傷。乃令積薪盈門。縱火焚之。薪盡而屋如故。虜大
驚。讚禮而退。

法師仲元。號神智。妙年納戒。即學教於天竺。淨慧及
繼主祖父道場。道風大振。六年。將退。間草堂。請首座
水堪。以自繼。且謂之曰。首座寮中。什物並留。後人方

文所用亦自足。師止攜三衣一鉢，香合拂子。尼師壇紙被浴具。世稱爲七事隨身。過草堂及觀首座寮，止一紙衾了無餘物。人莫不高二師之風。

法師求堪賜號。慈覺高介特立，平時不履尼寺。從淨慧學克肖其道。後繼神智居天竺二十一年。四海學者推爲宗主。嘗訓于衆曰：明道而不克行，是猶見飯而不肯食。終爲飢人也。別日又謂衆曰：汝輩一向忍飢，何爲衆媿其言。一時學士皆相率進行爲世英偉。云

法師慧日賜號寂照。學淨慧得其旨，淹貫三藏樂習禪定。虛懷待人，不別愚智。有辱之者，未嘗有色。人皆稱之爲得大忍佛。繼慈覺居天竺十餘年，講道精進，有光父兄之業。

法師思尚早，從淨慧妙盡其道。政和元年詔居上竺，賜號圓悟。誦說簡明，學者所仰。嘗曰：吾宗義學也不旁通儒典，而事誦業者，吾恐未盡其義。苟義有未盡，則意何所在。得意亡言，自是學成之人。若初心向學，須先尋文義可也。

辯才淨法師法嗣

法師若愚海鹽人。馬氏賜號法鑑。學教于辯才，號稱夙成。郡以南屏興教，延之以就奉。辯才杖履間居龍井者六年。後於湖之仙潭營長堂接待，建大閣造西

方像結道族念佛常數百人三十年中預會者多蒙
佛接之瑞靖康丙午九月謂其徒曰吾夢神人告曰
汝同學則章得普賢行願三昧已生淨土彼方待汝
曷可淹留即命衆諷觀經甫畢乃云聖相現前吾其
往矣即留偈曰空裏千華羅網夢中七寶蓮池踏得
西歸路穩更無一點狐疑閣維得舍利數百粒塔于
東廡初入道夢白衣女授七十二策後壽果及其數
慈覺堪法師法嗣
法師子琳賜號慈受幼學于慈覺深悟圓旨復謁佛
智裕禪師重研心要時天竺以慈福太后請爲功德
師被旨住山二十八年講演之際唯提大義禪侶聞

風而來者咸服其辯大慧果禪師過之相與劇談不
覺達且謂師曰時人祇知老師有教徑山卻許老師
有禪爲題其真云悟得旋陀羅尼三昧於一切法得
大自在舌端之上海波翻第一義諦無違背孝宗乾
道元年春召師問道上曰朕欲讀經以何爲要師曰
金剛圓覺最爲要道曰參禪如何師曰禪須自悟上
曰何以爲功師曰澄寂身心又當自契上說後因召
問當世有道之士師以上竺慧光對上欣納之一日
謂門人曰吾爲首座十八年日課蓮經一部每於禪
定夢寐得見普賢住持以來無復夢見信知領徒損
已其言有實遂屏迹草堂經半載忽晝偈趺坐而化

停龕踰旬時當連雪而身常溫煖

法寶雅法師法嗣

法師如吳錢唐人學于法寶唐復禮法師問學者得云真法性本淨妄念何由起從真有妄生此妄何所止無初則無末有終應有始無始而無終長懷懵茲理願為開玄妙析之出生死師謂此問有二意初四句問真法本淨妄何由生既生妄已云何止妄而能即真此該從真起妄及妄歸真之義次四句問始終有無既云無始云何有終若無於終何有於始後二句為請答自古涉法師清涼圭峯各有偈答而洪覺範所錄林間錄謂皆未副問意彼問真法本淨妄何由

起而今但云迷真不覺此答人誰不能師乃別為之答云真不守自性照分能所起隨緣深淨熏復性方可止真妄一體即故說無終始迷悟自情分始終宛然理達此真妄源誰復受生死識者謂此答始可以盡問意師所述教義名指源集自序云紹興十二年述

興國基法師法嗣

法師悟持慈溪人受業于興國誦法華試中得度傳受基法師之道悉達深旨每俾代講綽有父風邑西永安林泉尤勝衆請為起廢歷十八年殿宇像設無不畢備寶元初宗聞于朝賜名福源安衆講道鬱為法席為人寬和接賓客有加禮雅尚清談終日不供

所居多植嘉果。築塘治田。南歲無歉。法食俱運。入皆樂依。四明教行錄。有二書。與持姪永安。山主者是也。○事見福源開山誌。

諸師列傳第

諸師列傳第... 法... 與... 諸師列傳第... 法... 與... 諸師列傳第... 法... 與...

諸師列傳第二 佛祖統紀卷十二

天宋景定四明東湖沙門 志磐 撰

四明法智法師法嗣世第一

廣智尚賢法師 祥照本如法師

南屏梵臻法師 三學則全法師

浮石崇矩法師 廣慈慧才法師

廣嚴含瑩法師 慧因擇交法師

圓智覺琮法師 崇法嗣端法師

四明文絜法師 丹丘嗣謙法師

四明願彬法師 廣印智環法師

祥符文智法師 三衢文炳法師

四明用卿法師

四明居永法師

四明自仁法師

崇慶本圓法師

天台慧舟法師

三衢懷襲法師

圓智志豪法師

日本源信法師

內侍俞源清

嗣法二十七人

入室四百七十八人

寶錄 升堂一千人 塔銘

法智法師法嗣

三學限全

法師尚賢四明人賜號廣智依法智學教觀闡論淨
名頓悟性相之旨。歷事既久遂居高第天聖六年
繼法智主延慶道化盛行雪竇顯禪師聞其名出山
來訪標榜煎茶以申賀禮人傳以為盛事嘗晨入懺

掌見一虎伏几前師直進展尼師壇於昔寂無所觀
日本國師遣紹良等齎金字法華為誓請學輪下三
年學成辭還日本大弘斯道明道中於淨覺居靈芝
致書於師論指要解三千之義紙具心性所具俗諦
之法未是中道之本請師同反師承師接荆溪三千
即空假中之文謂何必專在於假以輔四明三千俱
體俱用之義學者賴之性復二書並見廣智遺編所著遺編及釋
金錫亡釋十類即扶宗忠師所錄廣智傳法智二師口義翼讚大教至為
有切經體一章尤善發明續遺妙宗之旨又嘗著闡
幽誌以七種二諦消光明諸經之王四教之正法智
是其說及後作光明記遂採用之見三義經體章

草菴錄言曾魯公為廣智撰塔銘而後世無傳當是與寺俱燬于建炎之寇惜哉

法師本如四明白章人受業本郡國寧初依法智於千衆中有少僂聲使與詞翰有法則為世所愛嘗請益經王義法智曰為我作知事二年卻向汝道暨事畢復以為請法智厲聲一喝復呼云本如師豁然有悟為之頌曰處處逢歸路頭頭復故鄉本來成現事何必待思量法智肯之曰向來若為汝說豈有今日祥符四年慈雲遷靈山親往法智會下求可為繼法智曰當於衆中自擇之慈雲閱視至師即云斯人可也師至承天東山能仁舊名大振法道歷三十年衆常五六

百法華涅槃光明觀無量壽觀音別行玄止觀金錫觀心論等皆講說六七過掌集百僧修法華長懺一年瑞驗屢見寶歷二年七月駙馬李遵勗為請于朝賜神照法師紫方袍及賜智者教文四千五百卷以資誦說嘗於寺西南隅見一虎睡以杖擊之曰此非汝睡處虎俛首而去今白蓮寺前虎溪亭後於虎卧處結屋為菴歸間其中先是有五通神居于此師每禪坐必連牀昇行空中師未嘗問一日五神請曰師既踞吾居乞於北向山岡建祠塑像已備泥在山矣師往視岡上有新泥一垆以之塑像無所餘師慕廬山之風與丞相章郇公諸賢結白蓮社六七年來遂成巨刹乃

以能仁山林三之一。指嶺為界，以供樵薪。仁宗欽其道，遂賜名為白蓮。皇祐三年五月十八日，微疾即升座說法，與眾訣別。其夕，法堂藏閣方丈棟梁皆折，鐘鼓擊之無聲。江上漁人見雲端有僧西向而去，詰且右脇安庠而逝。時天氣盛熱，異香非常。明年三月塔全身于寺北門人啓鑰，視尊容如生，爪髮俱長，有六蓮華產于塔前，壽七十。臘五十三，嗣法處咸等甚眾。師嘗於天台邑中為眾施戒方，乘羯磨，忽有光明自智者塔國清寺赤城山交射於法座之上。又因供千佛飯一千，貪人置華於席下，佛座華應不萎而反萎。貪人座華應萎而反不萎，舉眾為之歎異。嘗著仁王

懺儀，撰行法經，疏至十種境界而止。後咸法師續而全之。

問宣子記曰：嘉定四年春，住山鑑堂謂師塔當方丈後，徧於風水非宜之說，將遷之。破土數十，香氣襲人。棺上產蓮華一莖，光明奕奕，暨發函，慈顏儼然，須髮長垂，衣被不壞，舍利滿龕。一眾驚歎，於是亟掩藏之。鏡菴論之曰：法師血肉之身，衣被之飾，在土二百年而不壞，非夫戒定慧三昧之力所持，疇能若是。人或輕發祖塔，咎鑑堂者，非夫假此日之啟視，則曷足以知法師正報親依堅固不壞之瑞為此舉者，其祖師冥使之乎。

觀經疏以華座觀為親依今以

衣被
例之

法師梵臻初名有臻錢唐人具戒之後即問道四明見法智最為晚暮聞講妙玄文句大有啓發及還鄉邑以不親授止觀為之恨乃焚香禮像閱讀二十過以表師承皇祐三年初居上竺明年有旨遷金山熙寧五年杭守吳侍讀聞師名以南屏興教延之每當講次綜括名理貫穿始終舉一義則衆義泠然窮一文則諸文允會當時強記者因集以成類初集類之作由法智講授散引諸文有仁首座者錄為五類既而淨覺增其二括蒼聰師加其三佛慧才師重檢諸文節為十類四明吉師隨諸部帙各為詮次廣智見

之曰類集之行得失相半得在知其綱要失在昧其起盡暨師興教之席群峯泰初詮為高座緒餘起果會賢別立懸敘消文一一文下開示來意正釋觀心號為南屏一家天竺部師曰碎割法身訛誤後學只翻化糟粕法藏吳公當休沐必往聽法垂紳正笏立于閭外師未登座終不入師夜赴請見婦人在前問之則曰妾有哀懇請師到家師從之至其門見數人拽此婦置牀上舉大刀斫之如泥少時復活泣曰妾生前善切膾今受此報欲求濟度故敢仰屈師為授戒遂不復見每與淨覺辨論教門陳辭有司乞築高臺豎赤幡放西竺聖師與外道捕勝義墮者斷首截

舌懸之權上郡侯魏師法戰之銳就辭解之曰行文
製作臻不及岳強記博聞岳不及臻師雖自此弭兵
聞者莫不凜凜東坡初來杭與師最厚後為郡而師
已逝見其行狀曰此文雖工未道此老大過人處吾
掌與語九經史群籍有遺忘即應聲誦之崇寧中謚
實相法師

法師則全字叔平四明施氏依保國出家即造法智
學教觀時南湖競推十大弟子師為之冠焉旁通書
史尤善著述性直氣剛敢言人失人以是畏之住三
學三丁年郡守即簡充加敬掌謂人曰叔平才氣凜
然若以儒冠職諫諍豈下漢汲黯唐魏徵我朝王元

之邪慶歷五年夏別眾坐亡弟子若水立碣於延慶

師所述四明實錄人謂蔡邕作郭有道碑也後漢郭

有道不應既卒蔡邕為碑文謂盧植曰吾為碑多矣皆有慚德唯郭有道無愧色耳

述曰廣智亡趙清猷為撰碑三學亡弟子水師為

立碣此二文必大有可記者今二石既無存於是

二師行業不可知後人立傳抵彷彿耳吁可惜也

法師崇矩三衢人來學法智妙達教觀之道居第一

座法智坐聽其誦曰吾道有寄矣初赴黃巖東禪講

法智寄書勉之曰立身行道世之大務謙為德柄汝

當堅執此分更宜博究五經雅言俾於筆削之間不

墮凡鄙當效圓闍梨之作也未幾還三衢受本業景

德講浮石主者元勳問從真起妄義一言有契願回
禪居永為傳教之地郡為敷奏有旨命其請乃大開
齋堂以安學衆日談止觀夜講光明復於一時率衆
念佛尊以法智融心解於義未盡廣致難問法智乃
收及三輩以免相違真廟時遊方至京師上聞其名
召至內殿論四十二章經盛談名理上心大說賜紫
方袍金幣香藥既而回天竺衆留貳講久之復歸故
里慈雲授以香鑪如意手書談辭獎之曰汝將轉說
于親里也勉之哉被忍為衣入慈為室處空為座身
遠衆惱口寡言論意防輕慢慈心授入是曰三軌是
為四行各安隱說

俗迷曰浮石先學于法智及赴東禪乃遺以書當是
時已定師資之分矣後自京回天竺慈雲以猶子
待之故其歸里亦授以辭此見一尊者法門之情
無所間然而古今圖譜置之慈雲之下其不審也
若是今依鑑師錄系之四明覽圖者毋以為感
法師慧才永嘉樂清王氏師白鶴山怡芳祥符間恩
得度真宗封泰山詔年十二進受具戒往學于四明
性識昏鈍常持大悲咒願學通祖道忽於夢中見梵
僧長數丈脫袈裟與披之呼曰慧才盡生記吾盡日
臨講豁然開悟前後所聞一時洞曉未幾首衆四座
推服復謁慈雲北面服勤昼夜不替治平初杭守沈

講請住法慧寶閣二十年始終一節太尉盧公奏賜
廣慈之號浮石來請勉徇衆意未久退居雷峯塔下
每翹足誦大悲咒百八爲課文翹足一晝夜誦彌陀
號一夕夢至寶樓官闕有告之者曰淨土中品汝所
生也元豐元年春紹素萬指求授大戒至錫磨時觀
音像頂放光輝映譚堂淨慈守一禪師爲作戒光記
六年五月二十一日更衣就座書偈讚佛曰吾生淨
土決矣泊然而化塔于菴之右壽八十六臘七十二
繼其業者法宗戒珠十人師貌古而性恬少言寡欲
時教門異論諂動江浙師獨循循講訓未嘗有所藏
否清獻趙公道交最密及鎮越寄以詩曰乞得鄉邦

樂矣哉雷峯菴靜此裴回浙江莫謂音書隔一日翻
聲兩度來

法師含肇受業四明之廣嚴真法智教觀深有造詣
時人推爲教主嘗以銀書法華經遇佛菩薩名則用
金字世稱爲法門至寶建炎金衣院宇焚蕩於瓦礫
中尋獲此經不損一字淳熙間住山蓮止菴夜聞萬
人誼誦驚起視之則別室遺火其經藏柱閣上師冒
火取之得無損人言兩遭烈燄皆不滅壞者遠由大
乘功德之力近見教主行願之所持云

法師擇交台之黃巖人學法智得其道天聖二年章
安慧因始易爲誦院請師主其席法智作授辭與之

其略云今授汝香鑪如意用為傳法之具汝三學
芳馨著乎自己因悉巧意適彼物宜汝其懋之勿妄
揮秉

法師覺琮受業會稽之圓智依南湖學成言歸法智
寄帖勉之曰既學山家必當異於常流理事合修自
化兼濟如此是為智者之子孫也

法師嗣端四明人受業崇法久親法智世稱教主王
荆公宰鄞與師為方外交荆公有崇法留題云小亭
臨水間脩篁郁餘華席

地香惟願時人觀此境盡
將相船作清涼集中失收

法師文絜四明薛氏初依興國令祥師久之遣入法
智室孜孜教觀綿歷多載天聖四年祥師以經理塔

寺有妨示徒乃付誦於師法智作授辭以勉之曰吾
觀汝為傳法之器故授汝手鑪暨鬱多羅僧欲汝一
秉一披使德香芳郁寂忍成就

法師嗣謙蚤居法智輪下因有人謂三千是假法以
之為難時廣智謂三千不離實相實相即是三諦則
三諦皆三千也師服其說後著性辯訛首明三千
不專俗諦及廣智答淨覺書乃引師以為證

法師願彬四明人依法智得旨唱道有表譽法智垂
終遺書囑其隆法

法師智環學于法智揚文公勸法智止其焚軀作書
與慈雲令師往勸住世法智建放生會請樞密劉筠

撰碑紀述師疊書催之遂得成文

法師自仁聽法智講錄所引諸部名言以爲五類類集之興自師始祥符七年夏法智出教門雜問七章及四教四諦義師所答最勝學者盛傳之後舉以首衆講演不倦性謙冲不務名世以此敬之

法師慧舟舟立人二親既歿即棄家入道投四明爲學數載而業成乃曰法智有訓佛道甚夷行之惟艱謂四三昧也天聖初結同學十人行大悲行法者三年結十四人行普賢行法者又三年勅入朝誓於像曰倘此三昧有成當焚軀以效供養行法既周向故里求證神照照欲全其重願踰道俗輸香木成大積

仲夏晦日神照囑之曰法華尊施爾克修之梵網明誨爾克遵之惟繫心法界身如火如則一聚之燼乃三昧之蘊喜見精進以奉淨明真供惟子行焉師奉教致謝四衆端坐新塔火光屬天了無傾側舍利晶耀求者咸如其願乃瘞餘骨於山西衢之祥符懷襲與師爲同學又同修三昧云

法師源信日本國十大禪師也咸平六年遣其徒寂照持教義二十七問詣南湖求決法智爲其一答釋照欣頌歸國信大服其說西向禮謝

南湖懺首文敏知客子謙同沙門雲章等施芝券八
十道南湖首座聞熏施芝券八道

[Faded bleed-through text from the reverse side of the page]

諸師列傳第三

佛祖統紀卷十三

天宋景定四明東湖沙門 志磐 撰

廣智法師法嗣 世二

神智鑒文法師

扶宗繼忠法師

超界惟湛法師

四明如吉法師

淨社全教法師

括蒼義詢法師

四明蘊恭法師

金文冲霄法師

法昌本誠法師

日本紹良法師

神照法師法嗣 世二

法真處咸法師

神悟處謙法師

檀菴有嚴法師

能仁法寶法師

天台寶鐵法師

承天懷雅法師

承天元操法師

錢唐義全法師

天台左伸居士

南屏法師法嗣世第二

慈辯從諫法師

群峯泰叔法師

法照用文法師

超果會賢法師

法慧宗正法師

東安景初法師

南屏靈玩法師

東吳文詡法師

錢唐如詢法師

三學法師法嗣宋景安四師東隱山門

三學若水法師

浮石法師法嗣

景雲溫其法師

天柱守孜法師

浮石懷月法師

婺女日東法師

廣慈法師法嗣

妙悟希最法師

懺主法宗法師

妙果子良法師

餘慶思辯法師

浮石惟清法師

龍泉暈異法師

雷峯戒珠法師

廣智法師法嗣世第二

法師鑒文四明人。賜號神智。為廣智得法。上首繼席。

南湖大揚祖父之化。嘗曰。我由釋迦佛。得出家闍道。

由智者大師得依師學教。乃日課佛祖，號千聲夜禮，千拜，用為報恩，未嘗以事廢。

法師繼忠字法臣，永嘉丘氏。父母求嗣，佛祠同夢一僧授以子，云螺溪尊者寄汝養之。母娠，即厭葷血，不見佛像，必致敬。八歲入開元，蒙恩得度。即詣南湖，依廣智學，勞苦得疾，乃行請觀音三昧。蒙大士放光，以水灌頂，其疾即愈。既而洞悟教觀，無所凝滯。廣智深器之，時令代講。雪竇顯禪師見而歎曰：四明之道為有傳矣。永嘉士庶請居開元東閣，遷妙果慧安。退隱江心，研精禪觀。出主西湖法明，學者驟集。有欲革大其居者，師曰：施者方受其福，吾忍毀之乎？每歲正月

上八於郡中授菩薩戒，行放生，事士庶，嘗至數萬人。每誓於衆曰：入吾道場而歸，命三寶者，縱未得道，願生生世世不失人身，正見出家，求無上道，行法華光明彌陀觀音三昧，日不虛過，誦咒救疾，神應莫測。每入市坐者，避席行者，避路舉首加敬，稱為戒師。元豐五年十月八日沐浴更衣，集衆說法，結印半亡，人見赤光徹照空表淨社，全教夢金甲士告曰：今夜得道人入滅，慶恩希妙，夢神人告曰：忠法師已生兜率，師久行施食，後雖有繼，烏雀悲鳴，三日不下葬于瑞鹿山。傳法者及百人著扶宗集五十卷，集十諫指迷按膜十門析難及十義書等，用昭四明獨得祖道之正。

至於所錄二師口義後人頗怪其冗雜

法師惟湛義烏宋氏父母遇異僧謂之曰汝當生子
六人第五者宜令出家後入道雙林覃恩得度首謁
神照未及復往依廣智掌白智曰大師所授我所不
疑若圓頓絕待之旨當須自得後忽於廣智言下豁
然有悟與上流交論莫不推服初敷講于雲間超果
大揚化道天台一宗盛于三吳自師始熙寧六年三
月八日建光明會遽謂眾曰吾今報緣止此即舉沮
槃遺教殷勤囑累趺坐而逝火浴之頃舍利粲然塔
于西余山海慧若圓為門弟上首

法師如吉四明人

二師口義序云學廣智得其旨見前輩編

類集初無詮次於是參以三部之文節略成類以行
於世掌注金錫言簡而義正學者宗之住錢唐因果
法師冲霄父學廣智號稱具體初開寶中太法師全
曉舍于大梅之山吳越忠懿王仰其德錫帑金改建
為院及賜經卷一藏院成乃名金文曉亡高第正和
嗣之霄又和之嗣也師以其居稍隘始與其徒遷築
于柏巖峯下大開廣智之道治平四年上于朝賜額
慧照郭暨作記廣智立石
法師本誠四明奉化人依南湖學廣智志尚靜退乃
間居于法昌禪誦並進人欽隱德院主更建衆宇又
不克就師慨然自誓曰昔智者造三十六寺像八十

萬軀今吾徒豈於一刹而不能成邪即率同志化邑人得錢二百萬并力以營殿與像俱畢事著作即俞充爲之記謂師有得於畢竟空中熾然建立之義云神照法師法嗣神照下第二世

法師處咸天台王氏母夢白雲自天西來入室內化爲白馬因而有娠七歲入國清依師十四受具戒即自歎白佛法廣大若不力學何能見道乃入天封閱藏經三年而畢及往謁神照深悟教旨恭默自遜人莫能測神照嘗託疾命師代講衆譏一聞心容俱服初住赤城崇善姑蘇李庭芝將守台夢神人曰公典天台五祖臺下有龍頭九九和上宜就見之到郡諮

詢莫知其說聞士陳白悟曰天台五祖昔居赤城今咸師住此生於丙辰九月九日其龍頭九九之謂乎庭芝大愕即往謁見師爲談出世道深有契會以寺宇隘陋謀遷之庭芝首捐金帛乃卜就東南地開基之日獲銅盤于土中少師李公尤尊敬請主白蓮奏賜法真之號居山五十年登門受道者萬數元祐元年正月法鼓擊之不鳴者七日至七月告衆曰二十三日吾將行矣遂唱衣盂飯衆爲別戒待者晨鐘鳴當告我至時徐起趺坐寂然而化著三慧論光明十願王續神照行法經疏行於世法師廼謙永嘉潘氏母感夢見瑞雲入懷娠三年而

生九歲依常寧契能出家章聖在御童息得度真宗
元年封泰山詔天下寺觀各度一人即往學于天竺慈雲異之曰是能
棟梁吾道者復謁神照大明圓頓之自然三指供佛
祖祈妙悟未幾擢居第一座神照以止觀一帙授之
曰汝當建大法幢恨吾不之見耳既而言歸鄉邑繼
能師之席遷慈雲妙果赤城講道益振少師李端慤
請主白蓮北海郡王為請神悟之號丞相王安石與
一時朝賢競為歌詩以贊其德郡大旱要師祈雨師
至龍湫語曰汝受智者大師付囑遇旱當施甘露何
不憶邪忽大風黑雲從湫起驟雨如注閱十七年將
歸永嘉郡侯士庶固留演教乃於巾子山慧林精舍

講小般若後時杭師祖無擇以寶閣請趙清獻以海
住請內翰揚繪以南屏請紫微陳舍人以天竺請十
坐道場閱四十年講唱不倦登門三千人稟法者三
十人熙寧乙卯四月丙寅晨興沐浴更衣集眾諷普
賢行法阿彌陀經乃曰吾得無生日用久矣今以無
生而生淨土即入定寂然塔全身于南屏之右弟子
良弼請無為揚傑銘其塔云師嘗解十不二門題曰
顯妙於色心不二云分色心者不二而二妄之境也
其體一者二即不二妙之門也故以揔別斷盡十門
二不二相使粗妙昭然門旨不壅是知境妙不二之
門在乎一念色心得此之門寶乘即乘道場可到

法師有嚴合之臨海胡氏母將孕號痛頓仆其兄沙
門宗本曰是必有異若生男當出家母聞之合掌以
許既而痛止果生男六歲依靈鷲從師十四受具戒
閱壽禪師心賦若有所悟即往東山學于神照一心
三觀之道法華三昧之行莫不神解而躬行之時法
真同居會中謂之曰子雖晚出當成大器嘗讀止觀
至不思議境曰萬法唯一心心外無一法心法不可
得故名妙三千法真益嘉歎之初主無相慧因法真
自赤城遷東掖舉師以代常謂去佛久遠人迷自性
凡宣演之際必近指一心使之易領聞者皆能有入
紹聖中郡請主東掖師曰智者年未五十已散徒衆

吾老矣可堪此邪卒不赴隱居故山東峯廬于檀木
之旁因自號曰檀菴文集中有檀菴
註辭理極奇勝齋一鉢無長物
躬拾新汲水食唯三白毗尼條章輕重等護二十年
專事淨業以安養為故鄉作懷淨土詩八章辭情悽
切人多樂誦常時所修三昧多獲瑞應施鬼神食除
病卻學驅蛇去蟻水卓襍檜一為課誦如谷響響母
病目師對觀音想日精摩尼手母即夢師警日當前
覺而目明建中靖國元年孟夏定中見天神告曰師
淨業成矣又夢池中生大蓮華夫樂四列乃作餞歸
淨土之詩越七日趺坐而化以陶器塔于菴北有光
在塔如月三夕乃沒師淹貫藏經該通書史注安樂

行空品及法印經疏玄籤備檢文句箋難止觀助覽
阿彌陀禮文又撰或對一編辨論古今於茲為要
左伸臨海人從東掖神照授菩薩戒及為說大乘法
要豁然開悟有如夙習神照對衆摩頂與記自是嚴
奉戒律遇事不易其節刻西方三聖像日夜虔事誦
法華二千四百部金剛般若二萬過紹聖二年秋卧
疾命子僧淨圓曾法華首題增受菩薩戒夢三偉
人立于江臯召伸登舟瞥然西邁伸知往生有期乃
請僧誦阿彌陀經未徹即云我已見佛光矣遂沐浴
更衣戒左右勿哭勿逼吾前稱佛結印而化

南屏法師法嗣

南屏下
第二世

法師從諫處之松陽毛氏幼見佛經輒能自誦父曰
再來人也年十九試法華經得度即謁上竺辯才夙
夜聽習復往依南屏于金山問辨如流南屏歎曰吾
道由子而行也熙寧中講于明慶徒衆日蕃乃遷淨
住元豐初勲人建壽聖迎居之越三年辯才主南屏
自以年老屈師首衆嗣歲舉以自代元祐五年上竺
虛席辯才囑郡守蒲宗孟曰靈感勝迹非從諫不足
當郡用其說復為奏賜慈辯之號義天僧統自高麗
來求法郡以師應命義天慕法留滯中國朝廷以其
國母思憶促其歸師諭之曰高僧道紀負經遊學以
母不可舍遂荷與俱謂經母皆不可背以肩橫荷今

僧統賢於紀遠甚豈為經背母使憂憶乎義天於是
有歸志乃求鎮拂傳衣及詣智者塔誓之曰已傳慈
辨法師教觀還國流通乞賜冥護既歸乃建刹立像
尊為始祖大觀二年辭歸壽聖久之門學車溪普明
等十人詣師省候師曰諸子遠至後會無期老僧不
如乘輿便行遂沐浴更衣升座說法書偈安坐而亡
葬全身于受業

法師會賢早為南屏高第初弘教於華亭超果學者
如市將行化外邑必得老成貳論者乃擊鼓集眾其
人對眾答曰必欲代論於老師凡所說義許悉破之
師忻然曰幸蒙破立祖道之光也

述曰南屏晚見法智其所立義有時而違今賢師
所說不為貳講之見取疑此師一稟南屏之言故
貳講得以破之然世無聞其名可謂烈士乃師忻
然許其破不以為忌真賢乎哉

三學法師法嗣

法師若水三衢人久依三學號為有成故事廣詢乃
易名若水外現未學處處遊歷初住天柱崇福講演
不倦課密語有神功祖忌將臨戒庖人備茅筍庖以
非時日暮喫盂水於後圍夜聞爆裂聲明且視之筍
戢戢布地矣民人以疾告咒水飲之愈者莫紀其數
淨石法師法嗣

法師溫其金華人依浮石學教爲成才治平初於城北葺景雲舊宇以開講席夏大旱日演光明經虔叩諸天已而甘澤徧洽郡守廬革爲奏其地永爲天台演教之所賜師法雲之號嘗造九祖像極爲精麗東陽教學之行師之力也弟子七十二人普月大師善嵩主慈覺化成一境居式主景德有虎子之稱
廣慈法師法嗣

法師希最雪川施氏賜號妙悟四歲出家以天禧覃恩得度年十五傳教觀於廣慈同門畏愛號爲義虎治平中始敷講於嘉禾隆平繼徙居于勝果有空室崇所棲師咒土擲之得片紙書今被法來遣若法力

沒當復來此數日擊物颺火變怪百出師訂之曰汝不聞惱法師者頭破作七分乃爲廣說輪轉因緣衆僧聲咒爲其破障忽空中轟然擲朱書云漢朝烈士沈光大略悔過且云蒙師說法之力當往生他化天自此遂絕師因淨覺皆宗上十諫書法智作解謗淨覺復作雪謗時法智在疾不復答淨覺在靈芝對衆訛曰只因難殺四明師誰向靈芝敢開口師不甘之乃作評謗以極辨之其略有云近觀雪謗盛製所謂救生法二身雪增戒二謗者也然此書一往可觀再研有失解謗雖已煥然雪謗猶自永執今據吾祖之格言以評閻梨之謬解淨覺見之曰四明之說其遂

行乎元祐庚午秋集衆書偈安坐而化闍維之日得舍利數百

述曰淨覺既屢起破師論及雪謗之出而法智已在疾不復辨於是淨覺自謂已勝無忌憚矣不有妙悟誰能評之起四明之宗以信後世者於妙悟功最高

法師法宗錢唐顏氏十歲依廣慈爲師十二受具戒專研教觀十九往從廣慧初師服勤十年廣慈間居師歸侍左右日親法誨依止觀修大悲三昧綿歷九載人目之爲懺主凡禱事祈疾悉獲聖應建淨土道場刻西方三像燼五指供佛每月集四十八人同修

淨業名卿賢士多預其會政和丁酉春微疾夢彌陀聖衆授手接引後三日浴身易衣盥口跌坐倏然而逝師素聞天竺光明懺期之勝因預同修至五日於禪觀中見慈雲法師侍僧數十師作禮問曰自昔同修者皆得往生否慈雲曰後之元照已得往生擇瑛尚欲三塗弘經後時瑛師果有此願汝且勤修以成本願言訖而隱

法師覃異餘姚社氏師龍泉清序遇皇祐普度恩得剃髮習教觀於天竺明智後入雷峯廣慈之室孜孜扣擊二十年無倦志學成歸里敷誦故山專勤淨業誦法華至五千部普賢彌陀誦各萬卷崇寧元年秋

示疾集衆告曰。吾生淨土。時至當乘金臺。隨佛西邁。即澡身端坐。結印而逝。火餘舌根舍利如綴。

諸師列傳第三

白衣廣仁。首座法雨。化應氏懿真。應氏靖修。芝會一十道。

(Faded bleed-through text from the reverse side of the page)

諸師列傳第四

佛祖統紀卷十四

天宋景定四明東湖沙門法苑珠林志磐撰

神智文法師法嗣廣智下第三世

文慧宗正法師

空相思恭法師

扶宗忠法師法嗣

永嘉法詮法師

草堂颯元法師

超果湛法師法嗣

海慧若圓法師

法真咸法師法嗣神照下第三世

安國元慧法師

四明淨杲法師

神悟謙法師法嗣

北禪淨梵法師

德藏擇玳法師

壽安良弼法師

一相宗利行人

檀菴嚴法師法嗣

天台法麟法師

慈辯諫法師法嗣

車溪擇卿法師

圓學蘊慈法師

白蓮善珪法師

金華子方法師

淨住思照法師

天台應通法師

慧覺齊玉法師

普明如靖法師

南屏下
第三世

天竺應如法師
佛智慈雲法師
慧覺清月法師
上竺明義法師
群峯初法師法嗣
梵慈智普法師
南屏文法師法嗣
憲章仲閔法師
超果賢法師法嗣
精微彥倫法師
寶積彥端法師

法雲宗敏法師
佛聖智堅法師
圓明普賢法師
高麗義天僧統
清辯蘊齊法師

景雲其法師法嗣

覺慈善高法師

景德居式法師

神智文法師法嗣

廣智下
第三世

法師中立鄞之陳氏賜號明智母夢日輪入懷遂有娠夜不三浴則啼號不止九歲出家于角東之棲心受經一誦永憶不忘治平中試經開封府中選得度初依廣智學教觀及神智繼主南湖復依之熙寧中神智開牒設問答者二百人無出師右乃舉居座元父之去謁扶宗於永嘉將歸宗曰子行必紹法智之席及神智謝事乃俾師為繼元祐初高麗僧統義天遠來問道甫濟岸遇師升堂歎曰果有人焉遂以師

禮見傾所學折其鋒竟不可得師令門徒介然始作十六觀室以延淨業之士已而辭去曰吾年六十當再來即退處東湖之隱學數年郡太守王公勉主寶雲一新棟宇於伽藍神腹得願文云後百年當有肉身菩薩重興此地聞者異之後退隱白雲菴日宣止觀至不思議境歎曰吾道至此極矣有不思議境則有不思議心乃作不思議辨正又指五章裂大綱曰寄果明因以成解行舉佛攝生全生是佛作止觀裂網指歸釋疑文慧正師亡郡請再主延慶果符六十再來之言尊升座說法慈霑無盡下座問侍者曰吾適道何語侍者答以所聞師曰吾覺身心同太虛空

殊不知語之所出也。歲懺行江浙，慶為最盛。擇其徒修法華懺者七年，行法將圓。禪觀中見一大舟，眾欲乘而不可。唯師坐其中，以行。自是辯慧泉涌，超勝於昔。政和五年四月辛亥，謂門人法維曰：吾聞異香，心甚適悅。謂觀堂行人曰：吾當與汝輩長別。即面西坐逝。塔于崇法祖塔之東，講三大部淨名光明，數十過誦法華，踰萬部。與人除病，卻鬼，救災旱，不能畢。記其驗。孔老之書無不遍讀，其對儒士講說，則反質之曰：此道在孔聖如何。在詩書如何。儒士不知對，則援引委辦之曰：無乃若是乎。門者心服而退。師在永嘉，扶宗謂曰：吾常見摩利支韋馱於夢中求護法。

他日幸於南湖懺室，置其位。及師主席，乃立像自師始。陳瑩中嘗讚師曰：嚴奉木又堅，持靜慮以身為舌。說百億事，言戒定慧皆備具也。

法師宗正，賜號文慧。依神智學教觀，深造閩域。治平初，繼主南湖。大弘宗教，先是寶雲祖藏骨於育玉山西北隅。後七十七載，師自南湖往禮敬，顧梵甍有毀，將遂蕪沒，乃飾土累石，起方墳，以顯其處。且復為石塔記，以識其事。時謂微師此文寶雲之藏，幾不可考。法師思恭湖之烏程人，賜號體真。年十九，剃髮，即詣神智學教觀，及歸里時，空相廢于積潦。師克志興復，為屋三百楹，從容無求，而施者自趨。功成修長懺三

載以答志願及老歸吳山解空建炎元年九月別衆
坐逝茶毗煙所至皆疑舍利塔于院東南隅弟子戒
澄等四十三人皆傳道有成分化泐水

扶宗忠法師法嗣

法師處元永嘉人父參扶宗遂繼法明之席郡侯仰
其道化任以僧正澄清品流莫不厭服所著輔贊記
三卷其論經體則推本法智廣智源流之說論無住
本三種觀法答扶宗通相三觀其說明正學者宗之
崇寧二年間居東溪草堂述義例隨釋六卷初荆溪
以止觀文廣例為七科名為義例俾學者知解行之
大旨雖法智製述之多不暇為記師因義神智為纂

要以初乘觀法性德之境為真如理觀修德之境為
唯識事觀師謂在妄徒疑後學乃決志注釋以斥纂
要之非

法真咸法師法嗣 神照下 第三世

法師淨果四明人學法真為高第撰金剛經疏欲講
即講不俟衆集有臣律師者入冥府司名者曰誤追
也臣潛窺其籍有云明州淨果闍梨誦金剛般若經
一百徧既反詰師以問師曰但十徧耳恐以義勝衰
為百徧

神悟謙法師法嗣

法主淨梵嘉禾人姓竺音母龔氏夢佛光滿室遂有

娠及生因名佛護十歲從勝果師求懺主出家常念
阿彌陀佛或問年少何為念佛答曰我欲往他方丈
求挂搭去年十八受具戒即依超果湛師學未及復
往謁神悟屢親講說大契夙心元祐初主姑蕪大慈
講三大部十餘過餘文稱是受業門生殆徧吳地信
人稟戒幾滿城邑尊率二十七人修法華三昧以二
十八日為期如此三會咸普賢大士授戒羯摩至稱
淨梵比丘則洪音震響如撞巨鐘三昧將圓有二僧
作禮曰今春到石橋禮聖迹忽見空中散華異香非
常一僧遽曰姑蕪梵法主期懺散華至此語畢不見
因來瞻禮長洲令黃公彥刻記于石云異哉師之道

力其與北京進法師夢釋迦授戒南岳夢四十二人
加羯磨法異世同效師製期懺規式二浙至今行之
聳依識譯光明別製懺儀與衆同修感格屢見禪觀
之勳衆見金甲神王跪於座前後於一處期懺見韋
天按行懺室行人有遭其點察者輒障起而退夜居
西院時暑酷熱衆不安卧師方披三衣坐水閣上忽
風雪飛集涼氣逼人且謂衆曰夏行冬冷衆皆歎仰
知為神龍翊衛變熱為涼也元符中夢黃衣請至官
府王者迎就座令吏檢祥霽簿云淨梵比丘屢經多
劫長誦法華王即起頂禮遣使送還政和以太守應
公婢為祟所燒歌笑不休請師施戒即刻神定葛氏

請師為亡夫施戒即見夫恭敬於師遷座三匝稱已
得辭脫宣和初郡守賈公敬師高行補為管内法主
建炎元年十月坐亡閣維得舍利甚多藏塔于橫塔
般若

法師擇瑛嚴之桐江俞氏母夢二日貫懷後二歲產
二男俱出家皆試經得度長名子欽受業錢唐淨住
次即師也入道于杭之壽寧熙寧中參神悟於施水
寶閣深悟止觀之道閱不二門金鐸不寢者數月以
所得曰師神悟曰法華妙旨歸乎自心且善護持勿
自輕也當湖魯氏於德藏創一院以迎師大開法施
久之邀遊杭秀蘇湖間元符二年春於杭祥符示疾

俄奮身往凡西向諷彌陀經卷終而逝掌述淨土修
證儀其讚有阿彌陀佛真金色之偈至今人皆誦之
又辨西方此土二種觀門之相以勸專修淨業者見文
淨土
本傳

行人宗利會稽高氏七歲受業於天華既具戒往姑
蘓依神悟即入普賢懺室要期三載忽夢亡母謝曰
蒙汝懺功已獲生處又見普賢從空過前懺畢復在
靈芝謁大智律師增受戒法夢大智在座呼宗利名
口吐白珠令吞之又於靜定中神遊淨土見寶地道
華寶林境界尋詣新城碧沼專修念佛三昧經歷十
年復遊天台鴈蕩天封皆建淨土道場晚歸受業天

華建無量壽佛閣接待雲水政和元年天旱詣日鑄山帝舜祠祈雨感龍王現金色身甘雨沾足建炎末入道味山題所居曰一相菴會稽道俗請師主繫念至第三夜繪像頂珠忽放光明大如箕預會者益堅固紹興十四年正月晦告弟子曰佛來也吾將歸安養矣晝頌為別曰吾年九十頭已白世上應無百年客一相道人歸去來命臺坐斷乾坤竅端坐即逝是日近山人見異僧滿山谷莫知所從來瘞全身於菴居之後

法師恩照錢唐陽氏十四歲從淨住從雅聽法華方等於南屏復往東掖參神悟大有契入既而刺血書法華七軸專修念佛三昧築小菴曰德雲後連小閣為觀落日之所刻三聖像每夜過半即起念佛月二十三日率道俗繫念終其身三十年一旦語其徒曰夜夢佛金身丈六此往生之兆也請僧七日以助念佛屈指作印奄從坐化時宜和元年春也閣維之際頂骨牙齒皆瑩明如玉石師於淨土七經一字一禮華嚴首楞嚴金光明無量壽普賢行法遺教梵網無量義略教誡四分戒本皆然唯法華十過揔得二百七十卷誦法華千部無量壽佛經五藏阿彌陀經十藏云

慈辯諫法師法嗣

法師擇邠天台人天資聰敏博學強記受教於上竺
慈辯嘗曰四明旨意吾已得之唯起教觀信之未及
然不敢不信也初主車溪壽聖車溪屬三州四縣東
名青鎮古塔元祐二年初建壽未嘗屈節豪貴唐時
聖院請師開山高宗朝改廣福徒
三百施者自至年三十後即廢卷禪坐晚居車溪每
遇譎演但令侍者日供講快辯說如流聽者說服慧
解曩應領徒三十人至車溪值說無量義經聞譽難
云妙樂有云能生一實法華異名所生無量為法華
序不知能生一實是偏偏之圓即偏之圓所生無量
是同體之權異體之權應語同行曰此師言有典刑
足堪問道即求依止有不循規者悅衆以聞詢其名

則指言朋觀二師師曰此二人教門大才也弗之問
嘗夜坐方丈聞廊廡有天樂擊遣人迹之聲出朋師
房師附壁隙窺之見朋觀數輩於燈前戲擗手作無
聲樂師益異之平時喜茶臨終之頃謂門人曰晨鐘
鳴即來報至時啜茶一甌書偈而化時大觀二年仲
冬也塔于院南芙蓉浦

法師齊玉以避時諱雪川人尚書莫公支子也法號
慧覺早親釋學日記數千言始參祥符神智後依慧
辯一日赴僧次遜辭之或問其故答曰誠不欲五千
之利而喪一日之功慈辯得通相三觀之旨秘不肯
說師屢扣不已乃於密室跪鑪以授初出居茗溪寶

藏每於歲終大興淨業之社遷橫山立丈六像率道
俗修淨行中夜告衆曰我輩未念佛時心隨塵境作
諸不善犯一吉羅尚受九百千歲地獄之苦况犯篇
聚重罪乎五篇今若念佛則可一念能滅八十億劫
生死之罪况又父母生我令我出家理當度脫以報
重恩今若破戒墜陷則父母豈不失望大衆聞之無
不傾誠懺悔舉身自撲至損額失聲者此雖勸修淨
行正用按律
設常為被未代之意宣和六年遷居上竺先是慈辯之去繼之
者或不振學徒謀曰得玉公乃興郡守翁彥國聞之
乃具禮以迎誦道敷化不異慈辯嘗中夜頂像行道
一僧失規責之曰汝無知乃畜生耳已而悔曰彼雖

不肖罵為畜生有玷三寶自是三年對佛悔過歲大
旱井竭師運心密禱夢水出西坡且掘之清流涌出
因名夢泉建炎元年秋謂首座修慧曰吾牀前多寶
塔現慧曰和上流通法華之瑞證也師曰所願見阿
彌陀佛耳即集衆念佛頃之舉手加敬曰佛已來接
也端坐合掌而化葬于山西草堂之側謚妙辯塔曰
慧寂門弟傳教者密印大師修慧等二十人於著普
賢行法經疏及自釋疏祖源記無量義經疏雜珠記
釋孤山所造疏安般守意法門尊勝懺法

法師蓋慈四明慈溪人賜號圓覺初依壽安弼師既
而復謁慈辯其學大成時門下十高第師為說法第

一初居西湖菩提遷會稽圓通崇寧初能仁虛席以師為請有文首座能行人各然二指禱佛冥被師既至一衆說服掌因暑熱譟散偃息卧榻適首座至白曰此山師席講退之頃不入懺室則居禪堂未有高枕自安者師媿謝曰敢不承教自此祈寒盛暑不敢少懈每當如廁則沐浴更衣雖行道遇雪必手掬以為淨著十類說權實指迷世行其文法師曰法師如靖賜號普明早入慈辯室杭人有以私憾害其兄者後深知悔以問一律師答之曰殺人償命何足為問其人即投西湖而死欲償兄命免為後怨既不見兄反悔投水因衆人入雷峯受戒鬼隨以入聞

戒師說人造罪許懺悔其鬼乃怒律師蚤知可悔必不投水自夜隨律師索命語以修薦百方皆辭久而言曰為我請靖佛子施大乘戒則可脫及為授戒法乃見形致謝而去後主覺悟學徒雲擁唯一室空閉云有惡鬼居之師中夜入室坐禪忽聞哮吼見一人頭飛走地上俄化為人師謂之曰汝何得擾人鬼曰九出見入本欲求度人見自畏非擾之也師乃為說法授戒語之曰汝可入吾袖鬼即如教覺重甚攜至林中放之化成天人殷勤謝師飛空而沒建炎二年遷上竺初是有為鳴童封者或以上竺住持為問童云待問土地良久曰今早天符已下請靖法師矣閱

月而師至三年十一月金虜破杭師頽感夢知此山
厄運不可免語其徒令避去及虜至或謂可以禮迓
即聲鐘集衆虜疑其將抗已放兵大掠火其屋而去
述曰靖師之德可以脫索命之鬼可以度空室之
崇可以感上天之符而不能卻兀木之寇止上竺
之焚蓋當群生同分業感兵厄火災所不得而幸
免也

法師應如婺之浦江胡氏默記多聞尤善持論來學
上竺慈辯深器之嘗往靈山訪同志出大能義反覆
辨詰彼義墮負師即揭竿繫帛謂之曰西竺破敵則
豎勝旛道場降魔亦表勝相今法戰旣勝當揭一竿

人畏其烈目之虎子初慈辯得南屏通相三觀之旨
秘不授人玉慧覺祈請尤力許中夜為密說師知之
陟梯揭瓦伏身竊聽飛雪翻空背若被鎧且白慈辯
曰我於通相三觀若有冥授即錄其言以示一衆慈
辯怒曰應如盜法紹聖初主越之圓通嘗因講散謂
侍者曰今日東風吹教法過湘西去使眼中有耳者
得以有聞師三十歲便亡卷每臨座侍者供講帙以
俟紹興三年遷上竺兀木焚蕩之餘唯存藏室有勸
化人瑩建者師曰我但流通大法耳他凡自有修造
者至乃師亡普覺惟日果以繼席興土木事五年九
月車駕幸大土殿師奏對如流上喜賜萬歲香山以

供大士師不尚著述掌以偈示人曰吾傳智者一性
之宗三千寶相妙空假中一念法界生佛體同凡聖
一如善惡理融毗盧身土湛若虛空達斯旨者法法
圓通左之右之受用無窮山家稱如虎者三人神照
本如四明道如未詳及師也一夕別大眾歸寢而終
塔於寺西北隅嗣法崇先懷志白蓮慧仙皆足世其
業師有教義名指難集

法師宗敏秀當湖魯氏名族也賜號法雲年十五具
戒編參誦席如超果照廣化明南屏玩無不歷事後
入慈禪室頓有發明辯謀首座非其才乃請與之杭
論座為之屈紹聖初主杭之菩提元符中遷孤山樞

密將之奇時來謁問楞嚴大旨為談心要之妙之奇

言下有契敬以師禮久之退馳報恩六一泉之上報

勤師與歐陽公為詩友東坡各共泉為六一宴坐三十年世高其風元木

陷杭寺為煨燼乃還止當湖菴居紹興七年冬示寂

命以衣孟修報恩塔即山椒而葬焉後十八年有司

以其地為延祥觀遷其塔于山北烏窠之側弟子慧

靜取全身闍維之視容貌如其生薪盡火滅收舍利

百粒如菽

僧統義天王氏高麗國文宗仁孝王第四子篤榮出
家封祐世僧統元祐初入中國問道至四明郡以明
智慧照館接之義天上表乞傳賢育教敷兩街舉可

授法者以東京覺嚴誠禪師對誠舉錢唐慧因淨源以自代乃敕主客揚傑送至慧因受法諸利迎錢如行人禮初至京師朝畢敕禮部燕軾館伴謁圓照宗本禪師示以宗旨至金山佛印坐納其禮揚傑驚問印曰義天異域僧耳若屈道徇俗諸方先失一隻眼何以示華夏師法乎朝廷聞之以為知禮至慧因持華嚴疏鈔咨決所疑閱歲而畢於吳華嚴一宗文義逸而復傳及見天竺慈辯請問天台教觀之道後遊佛隴禮智者塔為之誓曰已傳慈辯教觀歸國敷揚願賜冥護見靈芝大智為說戒法請傳所著文既還國乃建利號天台奉慈辯所傳教文立其像為初祖

歲遣使通音問及施金書華嚴三譯於慧因建閣藏之今俗稱高麗寺見飛山別傳議為跋曰甚矣古禪之與今禪名實相遠也古之所謂禪者藉教入禪者也今之所以禪者離教說禪者也離教者執其名而遺其實藉教者因其詮而得其旨救今人矯詐之弊復古聖精純之道珠公論辯斯其至焉近者遼國詔有司令義學沙門詮曉再定經錄世所謂六祖壇經寶林傳等皆與焚棄而比世中國禪宗章句多涉異端此所以海東人師疑華夏為無人今見飛山高議乃知有護法開士百世之下住持末法者豈不賴珠公力乎

戒珠作別傳議於禪教之際深
有發明壽九十三葬骨飛山

述曰昉師辨祖謂智炬撰寶林傳詭說百端如達磨隻履西歸立雪斷臂等事與南山續高僧傳多不同云世又謂壇經談性不異吾宗而於念佛求往西方有似貶斥義天言遼國焚棄二書者蓋以此也

南屏文法師法嗣

法師仲閔三衢人受業祥符來依南屏文師以雄辯見稱義虎政和初還鄉主浮石學者驟至嘗放言曰吾座下不五百衆不講大部故一生唯講光明觀音云順寂之日集衆升堂登師子座趺足而坐忽見銀臺自西至師曰吾平生解第一義誓取金臺今乃若

此瞋目而化所著憲章集五卷其自序曰釋氏子有所迷必求公卿為之序其首跋其尾駕其說俾行於世且衣冠之士豈知吾之是識吾之非儻是而無序天能喪乎哉或非而有序人能駕乎哉

超果賢法師法嗣

法師彥倫學超果賢師為有成大觀元年主仙潭撰教義名精微集四卷賜號妙慧又撰金剛經疏二卷法師蒞齊錢唐周氏號清辯幼歲試經得度傳教觀于法明會賢師嘗患疫疾百藥不治遂力課觀音尊號夢一婦人以鑿開其胃易其心手捫摩之患即愈疇昔所覽靡不通記走筆成章率歸典雅咸謂辯才

之證主錢唐道林常熟上方姑蘓東靈錢唐南弁姑
蘓廣化三衢浮石政和中復歸上方間居于東方丈
述頂山記釋天台戒疏凡三卷建炎四年正月集衆
誦彌陀經稱佛號畢即刻而化塔舍利于上方門人
法清及景德法雲克傳其道雲編翻譯名義七卷大
為梵學檢討之助頗亦附以教義云云

景雲其法師法嗣浮石下三世

法師居式金華人嗣景雲住景德撰圓覺疏四卷

諸師列傳第四

諸師列傳第五

佛祖統紀卷十五

天宋景定四明東湖沙門

志磐撰

明智立法師法嗣廣智下四世

澄照覺先法師

慧照法鄰法師

圓澄智謙法師

四明法維法師明智傳

定慧介然法師

待制晁說之

諫議忠肅公陳瓘

草堂元法師法嗣

息菴道淵法師

安國惠法師法嗣神照下四世

智涌了然法師

真教智仙法師

白蓮梵章首座

白蓮卿法師法嗣

天台淨佉法師

北禪梵法主法嗣

北禪慧深法師

頂山子文法師

超果慧道法師

德藏瑛法師法嗣

北關思淨法師

壽安彌法師法嗣

教藏有全法師

飛英智悅法師
通照慧明法師

車溪卿法師法嗣南屏下第四世

竹菴可觀法師

牧菴有朋法師

祥符道忻法師

慧覺玉法師法嗣

清修法又法師

澄覺神煥法師

假名如湛法師

密印修慧法師慧覺傳

慧解曇應法師車溪傳

慧照道倫法師

北禪法榮法師

北禪文俊法師

圓覺淨圭法師

圓覺慈法師法嗣

法照中皎法師

神慧敏齊法師

能仁文首座

能仁能行人

普明清法師法嗣

圓通思梵法師

普圓善期法師

天竺如法師法嗣

崇先懷志法師

宜秘慧仙法師

普圓普證法師

法燈道遵法師

餘姚行澄法師

法雲敏法師法嗣

樞密蔣之奇

佛智雲法師法嗣

法照淨通法師

佛照堅法師法嗣

神辯覺寧法師

華慈慧序法師

梵慈普法師法嗣

圓照梵光法師

東靈智欽法主

憲章閔法師法嗣

餘慶道存法師

清辯齊法師法嗣

景德法雲法師

上方法清法師清辯傳

明智立法師法嗣

法師覺先明之慈溪陳氏號澄照七歲受經一讀成誦初稟教于明智既得其傳復請益於慈辯清辯所

詣益深靖康初主奉化之寶林會春早邑請誦金光
明經卷而雨三日因勉邑人建光明幢誦經萬部為
邑境之護遷主延慶大弘宗教久之復歸寶林築室
曰妙蓮復誦滿萬部持淨土佛號四十八藏摘經疏
名言以資觀行自曰心要紹興十六年正月十四日
說法安坐而逝塔于寢室之側他日有夜聞誦經聲
迹所自出塔中後月堂居南湖謂師於延慶有傳持
之功而塔在草莽乃令遷之祖壟及開王見檢索不
朽骨若青銅在山負反木丁
法師法鄰賜號慧照早為明智高第屢居座端道業
詞章衆所推服高麗義天至首入南湖師明智而友

慧照請跋所受教乘歸國師授筆立成有古史風義
天嘉歎不已文見名文郡命主三學講演之盛亞于
南湖嘗謂明人曰余嘗勸人以二戒三十已前未可
念阿彌陀七十已後不得持消災咒謂少不知進老
不知止也時久然之

法師智謙賜號圓澄學于明智紹興庚辰主寶雲每
念寶雲為四明傳道師自遷骨烏石其迹寢晦乃力
搜訪得正法師所撰石塔記重刻于烏石之菴又於
寺闢堂設像表示後世云

法師介然四明鄞人受業福泉山之延壽明智居南
湖從其學遂悟境觀之旨元豐初專修淨業三載期

滿謂同修慧觀仲章宗悅曰念佛三昧往生要法也
 乃然三指誓建十六觀堂中設西方三聖殿環以池
 蓮功成復然三指以報佛恩於是修觀之士有所依
 託焉建炎四年正月七日金虜犯明州寺衆奔散師
 獨不去虜奄至訶之曰不畏死邪師曰貧道一生願
 力建此觀堂今老矣不忍舍去以求生也虜酋義之
 謂曰為我歸北地作觀堂似此規制遂逼師以行後
 人悲思乃以去月為之忌相傳正月五日若依本朝通鑑則云七日而尊
 之曰定慧尊者立像陪位于觀室之隅志磐受業福泉每聞諸老師說定慧是草堂一流極有高行去志磐為五世云
 晁說之字以道自號景迂官至待制文元公迥四世

孫也監明州船塢常往南湖訪明智開三千境觀之
 說欣然願學通其旨晚年自誦法華自號天台教僧
 或曰消上老法華明智沒為撰碑而論之時稱高作
 碑見各光教志又曰其人高而學焉其
 陳瓘字瑩中南劍人自號了翁幼登甲科官至正言
 親亡之日廬墓三年天降甘露有芝草生於冢上掌
 留意禪宗頗有省發觀華嚴了法界之旨因上疏論
 宰相章惇謫四明日與明智會因問天台宗旨明智
 舉止觀不思議境示以性奪修成無作行之義公曰
 乃知此宗性本現成又問現前色身如何觀察明智
 曰法本不生今則無滅公曰世人言其死如歸不知

如歸乃失家者自是深達境智之妙作三千有門頌
以示明智智可之文見各文晚年刻意西歸為明智
作觀堂淨土院記發揮寂光淨土之旨宗門避其說
石刻在南湖觀堂公既與諸子皆白衣未嘗懷不滿意宣和
六年冬無疾別家人而逝紹興中贈諫議大夫謚忠

肅公初諱四明朝姓以
其多文士夫移台別

述曰智者之為道也廣大悉備為其徒者自尊信
乏未足以信於人惟名儒士夫信而學焉則其道
斯為可信也智者之世有徐陵柳顧言荆溪之世
有梁肅李華慈雲之時有王文穆馬亮明智之時
有晁以道陳瑩中是數君子不特知道又能立言

以贊之智者之道於是愈有光焉

草堂元法師法嗣

法師道淵永嘉人自號息菴又依扶宗深達觀道居
西湖永明講授有法堂謂修性離合之旨指要雖示
其妙後人或成異說師收束諸文立為二義一者約
修三性二與修性對論三以明離合二者約修九性
九與修性對論三以明離合初修三性三者如不二
門性指三障是故具三修從性成三法爾又云一
念心因既具三軌此因成果名三涅槃又金錫云本
有三種三理元編達性成修修三亦編此皆性三修
三六法明離合也言修性對論三者以修為能對性

為所對如不二門云為對性明修故合為二則修二
性一三法明合也次義言修九者如不二門云是則
修雖具九則法身般若解脫各各具三此乃修中自
論九法以明離也然法身中三雖本屬性指要判云
雖兼性三成為所發故皆屬修言性九者如光明句
釋金鼓具有圓空鳴三法即是下境三諦又於圓空
鳴中各各自具妹大等三遂有九法既得鼓體性
德中論未涉起修此則就性中自論九法以明離也
修性對論九者如涅槃疏明體宗用各有三義體有
禮底達宗有本要助用有本當自在此約修六性三
以明離也云師示寂當盛暑停龕旬日體色不變白

乳流涌香若道華人取乳可塗面將葬路經一菴縛
斷不進異香徹菴中易縛重不能舉菴主舊有微憾
乃悔謝曰曾有小犯故蒙見誡乃隨衆昇之遂行葬
及三年忽大風折木壞其塔備龕舍利若天章其德
云

安國惠法師法嗣神照下
第四卅

法師了然臨海薛氏母禱山兵寺石像前即章安誦
涅槃經處
夢至佛殿見僧持蓮華令食之且曰汝生當出家
後十三月而孕四歲母念出家則誰當為嗣夢神人
叱之曰何爽前囑遂諾之十六具戒從安國學教觀
慧解驟發嘗夢坐盤石次大海望大士坐山上竹林

問師曰平生持尊號今得見之遂正立說百偈以讚
覺憶其半自是頓發辯才侍安國遷白蓮未幾去謁
明智智問華嚴十法界大論三世間法華十如是三
處文義共成三千判溪何云指的妙境出自法華師
曰華嚴大論是死法門法華十如是是活法門智首
肯之時晁說之嘗謁明智因與師論此道待之如同
學四明譚者道如辭氣毅然時號如虎與師難問必
為之屈明智舉主廣嚴師曰吾不當負所得卒為安
國嗣六年遷白蓮居山二十四年學者常五六百人
紹興戊午寧海建大會請師說法有使者持牒來曰
堯率天請師說法師曰此間法會未散使曰符不可

緩當先其次者即毀師名而去紹興辛酉五月夢兩
龍戲空中一化為神人袖出書曰師七日當行師唯
唯既寤集眾說法復大書曰因念佛力得歸極樂凡
在吾徒宜當力學即沐浴更衣與眾同誦阿彌陀經
至西方世界而逝能仁行人聞天樂音祥光屬天眾
謂師報居淨土而先赴堯率之請也八月葬東岡賜
號空漏郡祈雨于玉溪最苦路險師咒龍使移之是
夜風雨大作且見潭在所指夷坦處述宗圖記五卷
釋南岳止觀樞要二卷釋十不二門虎溪集八卷
法師智仙居李氏號真教幼不樂世俗常曰世間
榮當何能挽我一生清志邪遂服方袍遊學至天竺

得觀道于明義首座還鄉依白蓮慧師聽止觀大有發明久之竟嗣其席常時繫念唯在淨土或曰法華三昧一土一切土一身一切身一佛一切佛何不依止觀修法華三昧而為往生之因師曰荆溪云分別功德品中直觀此土四土具足故此佛身即三佛身此大衆即一切衆以或未斷故安樂行是同居淨土行之氣分故不離同居穢見同居淨問者曰同居類多何必極樂師曰教說多故宿緣厚故令專住故是攝生故師當結制稍覺微志乃詣辭郡縣還寺杜門絕客衆請用醫令厚贖謝去之即易牀西向設彌陀像請行人誦經終卷而化時能仁聞念佛聲沸天仙

樂盈耳塔于院東北隅首座梵章學惠法師悉通其旨屢居白蓮座端誦唱有法學者宗尚謙抑不肯出世人高其風著圓覺經疏一卷時稱簡正北禪梵法主法嗣法師惠深幼徧歷講席及見北禪洞悟觀道後法主歸寂師繼踵行化當建炎兵燬之餘極力土木卒還舊制領徒說法未嘗一日以事廢將建大殿衆勉見巨室師曰若使出門于施主不如閉戶禱諸天精意所感施者自至師正席二十九年有僧善居為知事亦如之清儉勤力輔贊有理人或與錢即腰纏手挽

自以攜歸慮費脚金損施福也

德藏瑛法師法嗣

法師思淨錢唐喻氏受法華於瑛師既悟厥旨復深
研淨土之觀專志念佛日課觀經大觀初於郡城北
闕創精舍扁曰妙行領徒乞食期飯僧百萬不二十
年竟踰八倍建十蓮華藏規制巧妙為天下輪藏之
冠尤精畫佛每運筆先於靜室念佛觀想一日畫丈
六像見佛光良久衆皆瞻禮師於是時頓悟筆法之
妙於是人間咸稱爲喻彌陀堂於西湖北山鑿石作
彌勒像露半軀於巖識者以爲深谷爲陵之日必有
繼成全身如三生石像者宜和初盜起清溪犯錢唐

師告渠魁願以身代一城人命賊義之妖鋒爲戰紹
興庚申冬端坐想佛七日不廢忽起然香供佛歸座
趺坐而化旬日頂上溫煖面體紅潤見者謂其猶生
葬于法堂之右

車溪卿法師法嗣

南屏下
第四世

法師可觀字宜翁華亭戚氏年十六具戒依南屏精
微師聞車溪聲振江浙負笈從之一日聞舉唱曰般
若寂寥忽有悟入如服一杯降氣湯主慧覺有橫山
命師偕行讀指要至若不謂實鐵牀非苦變易非遷
歎曰語言文字皆糠粃耳建炎初主嘉禾壽聖遷當
湖德藏居閱世堂爲楞嚴補注嘗以祥符延閱兩載

以疾反當湖南林一室蕭然。人不堪之。則曰松風山
月此我無盡衣鉢也。乾道七年丞相魏杞出鎮姑蘇。
請主北禪入門。適當九日。指座云。胷中一寸灰已冷。
頭上千莖雪未消。老步只宜平地去。不知何事。又登
高。魏公擊節不已。及得所遺法語。謝曰。當日卷卷斯
道。不敢孤負竹菴。淳熙七年。皇子魏王。牧四明。諱惠
憲王。孝宗次子。用月堂遺書之薦。請主延慶。時已八十九歲。
抵行在所。而聞王薨。師在天竺受請。曰。王肯如生。豈
當有辭。遂行至南湖。衆見行季寂寂。莫不歎服。不二
載復歸。當湖竹菴。九年二月十九。無疾而逝。壽九十
一。茶毗。舌根不壞。舍利莫知其筭。塔德藏之。觀堂師

五住當湖。昔退隱于竹菴。因以爲目。泉大慧自徑山
行化。來訪當湖對語。終日敬之。曰。教海老龍也。師見
齋房安像。即誠之曰。汝起居無禮。說無益語。少時焚
香之敬。不補終日嫫媧之罪也。著楞嚴說題集解。補
注共四卷。蘭盆補注二卷。金剛通論事說各一卷。圓
覺手鑑竹菴錄各一卷。山家義苑二卷。
法師有朋。金華人。自號牧菴。一家教文背誦。幾半初
學于慈圓覺。復往謁車溪。晝夜扣請。盡得其道。主仙
潭。講止觀天衣。持師分衛。至境。梵語分衛。此云乞食。入寺就聽。
至破法徧橫破九種禪那。皆非圓頓。行人入道之門。
持竦然曰。我所未聞之說也。設禮而去。湖人薛氏婦

早喪不得脫其家齋千僧誦金剛般若請師演說經旨婦憑語曰謝翁婆一卷經今得解脫翁問千僧同誦何言一卷答曰朋法師所誦者蓋師誦時不接世語兼解義為勝也從能仁講道日盛晚主延慶初升座叙謝云有朋自遠方來聞者莫不心說於方丈扁一室曰六經堂中設一几而初無文字士夫怪其誕衆至寺欲屈之師令侍者先語之曰諸賢欲何相見若賓禮則對坐商略若請益則侍立發問若索難則容先伸三問咸曰乞從賓禮及對語援引不已乃知六經在胸中也每臨講不預觀文嘗曰我七番講止觀於正修中未嘗道著一字又曰大部中欲作一難

如片紙大亦不成所謂文字性離皆解脫也故今教並略無義目唯十不二門口義纔露一斑耳或問十境十乘方成觀法荆溪何云不待觀境方名修觀師曰向伊道攝事成理了也又問圓頓教中為立陰否師高聲一唱云陰入重擔常自現前何更問立不立一日講調御丈夫數士人至師曰若在儒教論丈夫事如忠臣事君不顧身勇士赴難不畏死立天下之大事成百世之顯名不為聲色名利之所惑溺皆名丈夫若在吾教則一心三觀為舟杭六時五悔為艣掉降伏諸魔制外道不為分段變易生死之所籠檻者方名丈夫耳士人為之畏服師御衆厲而簡左右

或欲師白堂整衆者師曰我所以不數數告衆者是有意也不見道頰雷夫失威乾道四年十二月三日坐青玉軒請行人諷觀經至真法身觀集大衆念佛留偈坐亡葬于崇法之祖塔稟法者顯菴法昌月溪法輝等甚衆師自恃強記不畜科策嘗謂同學竹菴曰天下祇一个半座主老兄執半个問何爲半个師曰不合多幾個紙策也在仙潭日竹菴來訪爲上誦師讀大科竟即收秩曰宗師在座不敢入文其對尊宿之禮尚謙若此法苑珠林卷一百一十五慧覺玉法師法嗣不二門口難逢一紙其法門十法師法久餘姚邵氏受業龍泉十五試蓮經中選得

慶初依智涌於廣嚴後去從慧覺覺赴天竺師隨往且夜爲學卒成其業大慧居徑山往咨心要嘗令師舉境觀之旨必擊節歎賞有王侍御女早喪每附語令請高僧誦法華大慧令師往方升座演經侍御忽有感悟夜中亡女夢於父曰承法師誦經力已得生歟侍御因作一乘感應記大慧一日謂師曰教苑人稀宜勉力弘傳以光祖道師遂歸旣而慈溪羅氏以圓湛菴延之學者四集共仰師法紹興十三年郡命居清修泉清石潔人境俱勝常患後生單寮多弊乃闢衆堂作連牀蒲褥如禪林之規以身率先衆莫敢怠說法機辯有大慧之風有不能領者謂師設禪於

教苑寺左曰師子巖創一堂名無畏日住其中誦法
華楞嚴七經十九年不輟一日忽告衆無疾而化塔
于寺西雪溪臨顏爲撰銘門人妙雲繼主其席

法師神煥湖之安吉人早學慧覺時稱出類紹興中
主思溪覺悟自昔教門諸師立義未盡者悉辨論之
得百篇世號煥百章掌論諸天位次不正乃考藏
典撰爲天傳其序云案百錄安功德天座在佛左道
場若寬更安大辯及四天王在右則知世人或十二
或十六或十八皆準鬼神品增減無拘也今欲定尊
卑亦良爲難如鬼子母羅刹也豈當與大梵同列有
女名功德男名散脂今以功德居上梵釋次之後列

散脂鬼母豈非天序因檢討大藏作諸天傳隨位釋
之蓋天有主客有男女有本迹有顯晦大梵爲三界
主帝釋爲初利主四王爲八部主若功德大辯但客
寄耳功德寄北天大辯寄山澤初無主領茲所謂主
客也功德大辯樹神地神鬼母並女質餘則男身所
謂男女也金剛密迹五百徒黨皆大菩薩本也現居
神像迹也所謂本迹也大辯對佛宣揚正法雖位處
客寄身示女質而言行則顯或但作影響不事敷揚
縱權有統王現丈夫形而言行則晦所謂顯晦也知
此四端可與言天矣竹菴見之曰大略數百字囊括
殆盡天傳未見其本志警嘗撰諸天禮讚掌著圓覺
文正用煥師立說詳見法門光顯志

疏二卷安樂記一卷

法師如湛求嘉焦氏母夢寶塔而生幼年試經得度首謁東靈欽師及普慈暉師所學未就乃與揚尖淵空相勳之車溪依卿師時眾已多無所容唯小室如斗不以爲隘劇暑埋大甕實以寒泉與四友背甕環坐以挹其爽如此數載衆戲目爲五瘟堂後參慧覺於橫山晝夜潛心盡得教觀之妙初主車溪壽聖講餘課法華一部佛號二萬聲有求爲知事者以非器不見用憾之夜懷刃入室則見官客備座次夜復入則昏暗失路又一夕往得入室見十數人皆同師形其人媿恐而遁平時少睡夏月坐草芥中口誦法華

祖身施放門人謂師年高宜息苦行師曰翻飛之類安值妙乘所冀啖我血聞我經以此爲緣耳後人因表其處爲饑蚊臺晚歲謝事聞若小菴日熏淨業紹興庚申七月初端坐念佛結印而化闍維得五色舍利著淨業記釋觀經疏護國記釋光明疏又述金剛會解假名集建炎初述聲聞會異其末題云匈奴去杭入秀兵火沿塘劫掠驟起命在不測聊書此爲記時事人以其爲與章安當寇盜縱橫而著涅槃玄義其事相類

述曰法智之記觀經光明也當時同宗之輩親炙之徒如孤山淨覺師辭杭辨卒莫能勝謂之陽擠

陰助猶可爲說至於假名爲天資之高德業之美
爲四明四世孫當教觀中興後不思光贊乃祖之
功而反事筆削忍爲淨業護國之記白晝操戈背
宗破祖自墮山外之侶可悲也夫

圓覺慈法師法嗣

法師中皎明之慈溪張氏賜號法照母夢月墮懷而
生受業永明初依南湖明智未幾去謁圓覺于天竺
久之盡得法奧靖康初能仁虛席郡太守劉光囑智
滿舉所知以師應命圓音一演學徒四集以粥飯不
給闢海田爲二十頃香積乃裕紹興乙卯夏旱郡守
以龍湫肯受智者戒遣僚屬躬師臨湫施以戒法即

日雨洽以年老退處藏密菴紹興乙丑沐浴易新衣
書偈別衆正坐西向而化
行人能師嘉禾人少學能仁入懺室四十載六時行
道雖病不廢唯不食數日其病自愈行人之名遠聞
江浙年既老讀文如初學草菴戲之曰未忘荃邪師
曰荃何所忘菴大慚嘗暑中曬衣歎曰慷慨丈夫反
同穢獲於是散去餘長唯留一幣絮袍夏則束梁指
間夏日入林施蚊一日逢二虎以身就之虎俛首而
去山神與供一方常與交接香積有之知事來告則
力拒之明且施自至皆曰昨夜行人巡門相報始知
山神荷師以往圓覺有能仁之命師與文首座然指

以請及其至晝夜請益大有開悟

普明靖法師法嗣

法師思梵抗之臨平湛氏賜號圓通依淨社普明學
教觀盡通其旨又之擢居座首普明還覺悟師與偕
行及再遷上竺謂師曰覺悟之席無以易子行道十
年大振法道後退處西山歸雲菴杜門著書嘗以經
疏語錄商榷禪教之旨名曰會宗侍郎晁公武一見
契心為之序曰予聞世父景迂先生之言曰景迂
游江東西有天台之學通其說者無禪教之病可以
為人天眼目小子識之自予聞此三終星矣今見會
宗之所述其有合於世父景迂之言乎師平生以戒

法力夢寐嘗與聖賢接凡禳穰灾凶驅逐妖厲一為
說戒無不通感乾道四年五月有日者謂師曰六月
之望師其亡乎師笑曰造物焉能制我邪汝謂六月
亡我且八月往至期沐浴更衣跌坐龕中召眾誦佛
瞋目而化塔于方丈之室

梵慈普法師法嗣

法師梵光四明鄞之陽氏賜號圓照母夢異僧入其
室十二月乃生異香盈室十六具戒始學律于湖心
通照復習教於南湖神智慨然遊方裴回西浙乃之
白牛見海慧普師聞講法華壽量品廣談三身言下
大悟將還鄉海慧撫其背曰汝必大振法智之席及

歸郡守王資深命主廣壽政和四年春太守呂淙以
南湖請時廣壽之衆願從者百二十人自是南湖衆
及五百法智之世未若是之盛也宣和四年大旱郡
請講雲雨經依法結壇縑素畢集披軸則雲興下席
而雨注靖康初高麗貢使及境來謁云國王問訊法
師翹仰道德無從瞻禮謹遣使獻法衣一襲及本國
曉法師所著華嚴疏論二百卷建炎三年以老謝去
寓奉化之福聖南湖自罹兵燬積年未復郡守仇念
謂非師不能振遂迎師再還群僚畢集竹閣誦演仇
公臨筵讚之曰微言發覆吾生何幸紹興十二年舉
門人道琛自代遂退居于擇陽與漕使陸寔鄰居往

來結方外交明年春與陸君辭曰老病既久將以後
事託延慶乃舟行至南湖沐浴更衣集衆諷觀經書
遺訓付悟真義誠諷安樂行至深入禪定見十方佛
寂然而逝時十三二月八日也壽八十葬崇法之祖
塔師天資朴素待貴賤以均禮或問其故則曰吾法
以平等爲心不輕爲行昌國戴氏爲鬼物所擾請師
誦咒及門而祟滅其在福聖道俗請增戒法有鄒氏
子附語曰吾汝之先也又處幽冥聞人間光法師爲
衆施戒此日冥中異類多得解脫故吾得以暫歸
法主智欽姑蘓常熟人才辯超卓舉世知敬主東靈
聚徒至五百行梵慈之道不少異恪勤講懺日未嘗

念時入尊稱法主以比北禪梵云

清辯齊法師法嗣

法師法雲受業姑蘓景德賜號普潤學教觀于清辯
為得旨紹興十三年撰翻譯名義七卷以釋藏典之
梵語援引疏記有所論辨甚為學者之益咸澤山嘉
其作為贊化刻梓云

諸師列傳第五

三二日八日... 贊化刻梓云... 諸師列傳第五... 贊化刻梓云... 諸師列傳第五... 贊化刻梓云...

